



## Universitätsbibliothek Paderborn

**Ars Bonæ Mortis. Sive: Quotidiana Erga Sanctissimam Dei  
Matrem Mariam Pietas**

Ad omnia quidem utilis. Ad felicem tamen mortem obtinendam utilissima

**Hevenesi, Gábor**

**Coloniæ Agrippinæ, [ca. 1708]**

II. Junii.

[urn:nbn:de:hbz:466:1-50961](#)

B. Agnes Ordinis S. Claræ, filia Regis Bohemiæ, animam naçta totam Mariam, ut quæ præter hanc nihil amare videatur. Hæreditatem in tres partes divisam ita distribuit, ut Monialibus unam, pauperibus alteram, Ecclesiæ demum Marianæ tertiam dederit, in eadem sepulta. *Mayr.* Quidni vel partem reddamus illi, à qua omnia accepimus.

B. Agnes! quâm D E I & ejus Sanctissimæ Matri amor regales thalamos deserere docuit, doce me, quo ritu in MARIAM liberalis esse possim, millena accepi beneficia, quam nulla rependo? tu meas vices supple, & impetra beneficium supremum, felicem agonem. O Sanctissima DEI, & mea, Mater pretiosissima! ego N. indignissimus filius tuus ex toto corde, omnib[us]que tam corporis, quam animæ viribus centies, millies, imò infinites &c. f. 2.

Ad quod impetrandum MARIÆ, ut filiæ DEI Patris cogitationes, Matri Verbi æterni verba, Sponsæ Spiritus Sancti opera omnia ex nunc in perpetuum dedicabo.

Mater DEI ubique imperiosa est, ubique magnifica: Secundum charitatem erga Superos & super inferos per discretionem *Ricb.*  
*ad S. Laur. l. 4.*

Quæstio: An cor MARIÆ plura & majora in vita mortali gaudia, an dolores habuerit?